

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : CCC KEI SAN SECONDARY SCHOOL

學校名稱 : 中華基督教會基新中學

Name of Play 劇名 : 有口難言

Script writer 劇作者 : 基新中學戲劇組

For adaptation works, please specify: 如屬改編劇本請填寫：

Name of Original Work 原著作品名稱 : _____

Original Author 原作者姓名 : _____

Name of Adaptor 改編者姓名 : _____

Synopsis 故事大綱:

到底如何對待孩子，才讓他們感受到「愛」的存在？「90後」的孩子，他們大多擁有豐富的物質生活，在父母的護蔭中長大，然而，他們為甚麼會覺得不快樂？孩子的任性妄為，又是如何造成的？本劇將會以孩子的角度作主線，透過三個家庭四個孩子的故事，剖析新一代孩子的價值，並探究治療父母之子女之間代溝的方法。

Script 劇本:

第一幕：百萬富翁的選擇

百萬富翁音樂響起。

觀眾席上有十多名觀眾，在欣賞節目。晴在參加百萬富翁比賽，去到最後一題。

主持：歡迎各位觀眾今晚黎到《人人想做百萬富翁》節目，今晚呢個參賽者，阿晴，黎到我地既最後一關，阿晴，仲有一題，你就成功攞到一百萬。係你未決定係咪繼續落下一題之前，我想問下你，你黎參加呢個節目，目的係咩？

晴：（望向母）想……想……想……想幫阿爸阿媽攞到一百萬。

主持：好孝順呀，我地俾D掌聲佢（望望觀眾席，觀眾席拍掌歡呼）。咁你自己呢？你無咩夢想既咩？

晴：（又望向母）想，我鐘意，我鐘意……係阿爸阿媽鐘意我做醫生，我想做醫生……我今年考A LEVEL，想考好D，但係機會又好似唔係好大。

主持：的確係好宏大既志願丫，咁呢一百萬，點幫到你呢？你想攞D錢讀書？

晴：唔係呀，我想考唔到都起碼有呢一百萬俾佢地補償。（觀眾席議論紛紛）

主持：唔，好啦，咁你而家決定攞走50萬，定係開埋最後一個箱？我有責任要話你知，你有機會可以攞走100萬，亦有可能一毫子都無。

睇下觀眾點睇好嘛。最後問你一次，你賣唔賣個箱？

觀眾：唔賣！唔賣！唔賣！唔賣！（眾人交加手）

晴：我……（望向父母）

母：賣！賣左佢啦！女！（誇張做口型）

主持：你要忠於自己既心意呀……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

晴： 我唔賣！

主持： 最後決定？

晴： 唔賣！

主持叫寶箱小姐前來。(寶箱小姐先向觀眾拋媚眼，然後行去主持旁。)

晴： 等等，我都係決定賣左佢！

此時觀眾衝下來，一路向著晴一路大喊「唔賣！唔賣！唔賣！唔賣！」愈來愈大聲，直到晴忍受不了：「夠啦！」(觀眾突然停止喧鬧，全場靜，定鏡)

鬧鐘聲響，台暗

第二幕：都是你的錯！

燈亮，故意有種在牢獄被大光燈審問既感覺。(開燈聲效)

父母共 8 人站在後方。

晴、美、芬、強站在台前右方，三人站得直直的，面向觀眾。

晴： 我知我唔係唯一一個年青人對父母有意見。

7 名父母： 喺丫。

芬： 而我既問題。

7 名父母： 係你既問題。

晴： 父母既問題。

7 名父母： 都係你既問題。

晴： 學校既問題。

7 名父母： 仲洗講，緊係你既問題。

芬： 社會既問題。

7 名父母： 你班 80 後又想攞事？

晴： 咁我地無晒問題。

7 名父母： 你有問題！

芬： 講到尾。

7 名父母： 都係你既問題。

美： 咁咩野先唔係我既問題呀？

強從後台出來。

強：(俏皮說) 你地又唔洗咁灰，實有 D 好既例子既。

芬與 1 父 1 母走到台左。

芬： 媽咪老豆。

父母： 點呀乖女。

芬： 呢，我下個星期學校有個 CAMP 呀，我

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

父：去去去，呢 D 我最贊成架啦！

母：有時去下呢 D CAMP 呀，仲好過睇 10 本書，所謂讀萬卷書就

父、芬齊聲：不如行萬里路丫嘛！

三人互相對望，溫馨齊笑，定格。

強：(走到台左，指著定格演員) 拿拿拿，活生生既例子呀！

美：係活生生電視劇好似真情個 D 老土劇情嘛。

強：咁現實係點呀？

美：睇野啦！

美與 1 父 1 母走到台中。

美：媽咪老豆。

父母：又點呀。

美：呢，我下個星期學校有個 CAMP 呀，我

父：去去去，讀好 D 書先講啦你！

美：你慌唔係又同 D 豬狗友去 WEWE WETWET 唔番屋企咩，我話你知呀，你唔洗諗！

美：咩豬朋咩狗友呀！你地憑咩話我 D 朋友唔好呀？

父：個個都不務正業咁既樣，呢，著個條死人褲呀，跌到落個屁股度架！個手提電話個抽電話繩呀，仲重過個電話呀，你話係咪本未倒置丫？講野又無里正經，一日到黑咩超低能勁攪笑，你睇你地影親 D 合照丫，唔係 3,7 面就 1,2,5，真係三五成群，無個好人呀！

美：唔同時代有唔同野興既者！你以前追阿媽個陣咪又係著到好似高達機械人個 D 喇叭褲？係度話人！

父：丫，你個衰女包駁咀啦而家？

美：你話我先既！

母：好啦你地一人少句，阿美，總之我地話唔俾你去就唔俾，你唔洗再講！

美：同你講我都費事 SIDE 口水呀！咩都係我唔 ARM 架啦！

定格

強：有無咁誇張呀！

晴：咁其實又唔至於咁極端既，不過無論父母係咩態度，個結果都係一樣。

強：願聞其詳。

晴與 1 父 1 母走到台左。

晴：媽咪老豆。

父母：做咩事呀。

晴：呢，我下個星期學校有個 CAMP 呀，我

母：你下兩個星期都有個測驗 WOR。

母：係啦，溫成點呢。

晴：都有信心既，媽咪，我個 CAMP……

母：今年係你最後一年搏啦，入到醫學院你一世都唔洗憂呀，女。

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

晴：(細聲) 係你一世唔洗憂咋掛？

母：你話咩話？

晴：無，無野呀。

母：人人都望子成龍架啦，我都好想你明白父母既心情。

母：呀係，你頭先想同我講咩呀？

晴：無野啦。我想話俾你地知我尋晚發夢去玩《人人想做百萬富翁》，去到最後一關，要決定到底係拎走 50 萬，定搏 100 萬。

母：咁緊係拎走 50 萬啦。

晴：但係我想搏下 WOR。

母：你唔洗搏既，媽媽會幫你安排好一切。50 萬剛剛夠讀完個醫學學位。

母：再講丫，你自己搏，分分鐘一毫子都無！

晴：但係個個係我個遊戲黎個 WOR。

母：傻女黎既，你既遊戲咪即係我個遊戲。

晴：下？咁我既人生呢？

母：嗯……都係一樣啦！

(母笑著，晴無表情，定格)

強：現實生活中，做子女既真係可悲。

相對於以上既例子黎講，我諗我最 FREE 架啦！點解？睇野啦！

一父一母去到台前。

強：媽咪老豆，我番黎啦！

父母：嗯，得啦。

強：老豆我想同你講今日我考試 100 分俾老師讚。

父：係呀，叻仔。媽咪我份財經係邊呀？

強：阿媽你頭先聽唔聽到我受老豆講 D 咩呀？我考試……

母：得啦得啦聽到啦。爸爸係咪呢份呀？(遞上報紙)

強：仲有呀下個星期學校去 CAMP 呀！

父：得啦得啦。(向母說) 嘩今日恆指又升左 300 幾點。

母：快 d 沽左佢啦咁。

強：要簽通告呀。

父：得啦你俾呀媽啦。

強：要交錢呀。

母：得啦得啦。

強：你地聽我講下野得唔得？

父：聽緊囉！

強：我今日考試 100 分俾老師讚呀！

父：嘩，咁叻仔呀。

強：叻咩叻者，我頭先先講左一次。

父：好叻仔 WOR。

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

強：我今日俾同學笑我書呆子呀！

父：叻仔呀！

強：跟住我打左佢一巴呀！

父：真叻仔！

強：推埋佢落樓添呀！

父：(摺埋報紙) 得啦得啦，老豆 IS SO PROUD OF YOU(特登用不正英語)！係啦，開得飯未呀媽咪？(定格)

強：(向台前說) 你睇我老豆幾勁，我殺左人佢仲 PROUD OF ME 呀！你話丫，唔知咁，叫唔叫好彩呢？

燈暗 (所有演員回到後台)

第三幕：我們的夢想

播放 SHALL WE TALK 開首的音樂引入。

閃藍色燈，表示晚上，公園景。

強、美、芬、晴座在台中間放置的幾個箱上。

強：喂，老土 D 問你地丫，其實你地有無夢想架？

晴：(舉手) 有有有，咪做醫生 LAW。

美：下個個好似係你老豆老母個夢想，唔係你 WOR。

芬：其實我覺得你已經俾你阿爸阿媽洗左腦。

強：我諗你死個陣呢，阿孟婆俾你飲碗湯之後呢，你唔會記得一切既野，但係就一定記得你阿爸阿媽想你做醫生。

晴：有無你地講到咁誇張呀？我知我阿爸阿媽都係想我地好者！你屋企人其實都係一樣架！

強：我阿爸阿媽？我諗佢地連我讀邊間中學都唔知呀！

美：我阿爸阿媽就太緊張，亦都唔信我。

芬：我出世到而家都唔知阿爸阿媽係邊個！I HAVE GOT NO IDEA，對於你地既話題，只可做路人甲。

強：你就好啦。

美：無左屋企人既問題。

晴：又唔洗成日幫屋企人完成佢地既夢想。

芬：下？真係天下奇聞，你地寧願無屋企人，都唔寧願面對同屋企人既問題？

強、美、晴無語。

到底點，我地屋企人先會知道我地想要 D 咩呢？

燈暗

第四幕：麻將父母

幕不用開

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

4 父母在幕前打麻將。

晴母：睇牌睇牌，碰搶上呀 SORRY！（囂張狀）

強母：我撞鬼你咩？隻隻碰。

美父：你困住出充埋俾人清一色呀！

晴母：咁難得先放低老婆子女 LUCK 身，我仲唔贏番夠本！

強父：睇你贏得幾多，咪中間又話老婆急 CALL 割和青 WOR！

晴母：先唔會，而家阿晴幾十樣野學，又跳舞又彈琴又珠心算，有排唔洗煩！

強母：嘩，學埋咁多，唔怪得珊珊話養一個子女要 400 萬 LAW。

晴母：係收 400 萬至真！而家做父母都係望子成龍者，第日佢做到醫生律師，多多錢都回番啦！

美父：但係一次過學咁多實吸收到架？

晴母：我淨係知唔學就咩都吸收唔到！

強父：E 你日日看住個女，咪好慘 LAW！

晴母：所以話你真係婦人之見，我老婆唔忙，我仲洗得閒既？

強母：照我話又洗咩學咁多丫？子女唔聽話，咪打個電話去學校投訴 LAW！萬試萬寧。（一萬）

美父：係呀我成日同佢班主任講，話佢功課少架，D 老師想縮唔俾功課？好難 LU！

強父：嘩你地咁都得呀！真係各師各法呀！我自問就唔識教啦，阿強話要咩，我咪俾咩佢 LAW，要去邊？咪由佢 LAW！

晴母：你唔驚佢學壞呀？

強父：洗咩驚呀？而家 D 年青人，你俾咩佢佢都話唔開心架，最實際都係錢！俾左佢佢又唔黎煩我，大家心安理得！呢，好似今晚之嘛，佢話要去聽串屎演唱會嘛，咪由佢去囉！

強母：下，咩唔係拆左伙咩？

美父：話你 OUT 就 OUT，又復合番啦。而家呢個社會唔同以前啦，想當年 BEATLES 話拆類，又點會合番丫？

晴母：我話之佢合唔合，最後一隻牌啦，就睇住我自摸 10 番清一色！

新聞報導：特別新聞報導，係紅館出面聚集左一大群反串屎復出既人，佢地透過網上系統 FACEBOOK 籌劃行動，準備向即將出黎既 twins 辱罵。

強母：唉，又係面簿之禍！

新聞報導：現場情況相當混亂，串屎既 FANS 情緒激動，高舉偶像名牌吶喊助威，反對人士亦不甘示弱，兩幫人初則口角，有人用玻璃樽襲擊對方，現場有數名年輕人頭破血流！我地一齊睇番頭先既片段。

幕開

晴母：真係自摸 10 番呀！

強母：你個女 WOR！

美父：你個仔呀！

燈暗。

晴母、強父、強母、美父：我地 D 子女呀！

幕關。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第五幕：我們的獨白

晴、美、強、芬受傷昏迷，在混沌世界。四人一直走。當一人說話時，其他人定格。

晴：好啦，我而家終於可以對住自己講句真心話。咩話？點解我而家先講？因為係現實世界中，我條命唔係屬於自己既，我既夢想都唔係屬於自己既。係爸爸媽媽既安排低下，佢地覺得我好幸福，我都以為自己好幸福，我唔知道，其實係個個時空裡面，我一早已經遺忘左自己係邊個。

美：我係咪死左呀？好丫，死左好丫。你知唔知我最大既心願係咩呀？我唔想要一對咁樣既父母！我要佢地知道自己對我係幾咁唔了解，我要佢地一嘗無左我既痛苦滋味。我曾經諗過好多次離家出走，但係，呢個世界咁大，我地又可以走去邊？

芬：我係一個好孤獨既人，我一生人都無父母，亦唔係好明所謂既家庭到底係 D 咩。不過見到有家人既人係咁煩既，唔知點解，我竟然有 D 慶幸我係孤兒。

強：俾錢我？哈！由細到大，我咩都無，錢就最多！屋企人話俾我知，錢可以買到一切既快樂，起初我都相信架。但係唔知幾時開始，我開始覺得唔快樂。阿爸阿媽，你到底俾左 D 咩我呀？

晴：講你都唔信，我好似外表品學兼優，其實我諗過無數次，幻想自己著住件黑色皮褸，係吐露港騎住架電單車風馳電掣，開到 200KM 然後一野撞埋條柱度，頭破血又流，然後我就咧住咀大笑，係血淋淋既公路上面，大叫「好爽呀」！然後……

美：然後你會以為你自己報左仇。

晴：然後，

芬：你會發現翌日新聞上有你張黑白照，頭條寫住「品學兼優乖乖女成叛逆天使，瘋狂駕駛命喪黃泉。」

晴：然後，

強：全世界無人可憐你，全世界人話你係忤逆女，可憐蟲！

全部人大呼：可憐蟲！

晴：再然後，

美：無得然後，人生 GAME OVER！

全部人大呼：GAME OVER！

晴：呢個時候，我既父母，會覺得愛得太遲嗎？

第六幕：救活的良藥

醫生 2 個、助手 2 個，他們正搶救 10 多個傷者。

醫生 1：個傷者傷得好嚴重 WOR，我地要立即做手術，唔該比 D 麻醉藥我丫，較剪。

醫生 2：呢 D 係咩瘀痕黎架？我地要記錄低，等我做一個完美既手術先。

助護 2：醫生，我都唔明點解 D 人會互相傷害對方既？

醫生 2：我諗佢地本身諗法同價值觀有分歧，用左一 D 錯既途徑去發洩心中既憤怒，而佢地本身唔識用一 D 理性既方法去解決意見既分歧。

助護 2：醫生，呢個成身痺晒咁 WOR。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

醫生 2: 痺晒? 因為而家 D 後生仔俾人包庇得多, 先會搞成咁。你睇, 有起事上黎, 小小野都頂唔住。

助護 2: 邊個包庇佢呀, 點包庇法呀?

醫生 2: 父母 LAW, 明明錯都話佢地 ARM, 由細到大幫佢安排晒前路, 咁保護法, 子女都未見識過咁叫真正既難題!

助護 2: 點解咁架?

醫生 2: 父母認為咁樣係叫愛錫! 又以為咁樣可以令到佢地係溫室下成長, 有個美滿幸福既家庭。

助護 2: 唔怪得佢咁痺啦。

醫生 2: 等我再檢查下先, 嘩, 好大個膽, 仲生埋毛 TIM 呀!

助護 2: 膽生毛? 好難攪 WOR!

醫生 2: 無計啦, 而家 D 靚仔, 咩都夠膽做架啦!

醫生 1: 你個件濕濕碎碎, 我呢邊仲難攪呀!

助護 1: 醫生點解佢個心咁既?

醫生 1: 睇黎佢個心碎左 WOR。佢個心已經支離破碎。

助護 1: 下? 點解佢會有一個支離破碎既心既?

醫生 1: 呢個係因為缺乏關懷同溝通引致。

助護 1: 點解 D 人唔可以多 D 了解對方呢? 係咪由一開始已經係咁樣?

醫生 1: 其實佢地一直都好愛對方, 只不過佢地唔識點樣表達, 將自己既心意一直收埋在心中, 到最後大家既分歧去到極點既時候, 就會用一 D 好無知既方法, 例如係自殘, 又或者傷害對方黎解決問題, 而呢 D, 往往就係最愚蠢最衝動既途徑。

助護 1: 呢個就係佢地傷害自己既理由?

醫生 1: 佢唔單止傷害到自己, 仲傷害左身邊既人。到最後, 無人係贏家。

助護 1: 而家 D 升流到巴巴聲, 醫生, 你估我地有無辦法可以救得番佢?

醫生 1: 問題係, 我地可以俾到幾多耐性, 同埋佢又可以承受幾多痛楚。俾支愛心血漿我啦!

助護 1: d 血漿可以幫到佢地 D 咩?

醫生 1: 佢可以幫助製止血液既流失, 生長愛同關懷。亦可以令佢地憶起所有美好既事物, 從而產生對世界既留戀, 唔捨得離開塵世。

助護 1: 既然係咁, 點解屋企人一早唔俾定 d 愛心血漿佢呀?

醫生 1: 問題就係, 佢地彼此根本就唔了解, 佢地亦搵唔到一個方法去溝通。

其實, 做家長既, 應該多 D 花時間了解自己既子女想要 D 咩, 而唔應該用自己個把尺去放落仔女身上。

助護 1: 醫生, 我地救得番佢架可?

醫生 1: 傻女, 無論我地救佢幾多次, 佢地最後既宿命, 都係只可以交番俾佢地既父母。

音樂徐徐響起。

眾演員謝幕。

完